

Gvangjsih Minzcuz Bau

Cawiguenj: Gvangjsih Bouxcuengh Swcigh Minzcuz Cunghvau Swvu Veijvenzvei

Cawibanh: Gvangjsih Minzcuz Bause

Geiz neix 8 bani

广西民族报

Aenhauhokbanj: CN45-0036

B.2022

Nd.11

Ng.9

Liggaeuq nvaemzvinz nienz ndwencib cibloeg

Geizsoq: Gungh daih 3548 geiz

Liuz Ningz Daengz Bwzswz Si Lingzyinz Lozyez Dwzbauj Denzdungh Seiq Yienh Diuyenz Le Daegbied Gangj Daengz Cienzmienh Doicaenh Guhhoengh Lajmbanj Guhhung Guh' ak Ginghci Ndaw Yienh Vih Haenqrengz Raiz Bien Faenzcieng Gvangjsih Yendaiva Yiengh Cungguck Lai Okrengz

刘宁深入百色市凌云乐业德保田东四县调研强调

全面推进乡村振兴 做大做强县域经济
为奋力谱写中国式现代化广西篇章多作贡献

11 nyied 3 hauh daengz 5 hauh, Swcigh Dangvej suhgi, Swcigh Yinzda Cangvejve cujyin Liuz Ningz daengz Bwzswz Si Lingzyinz Yen, Lozyez Yen, Dwzbauj Yen caeuq Denzdungh Yen, diuyenz gij hongsaeh cienzmienh doicaenh guhhoengh lajmbanj, doidoengh ginghci ndaw yienh hwnfat ndeindet daengj. De daegbieg gangj daengz, yaek laegdaeuq roxyiuj "song aen dingh-

laeb" cij bauj baenzsaeh, baenzbaenz cungj guhdaengz "song aen henhoh", yaek haeujlaeg hagsib lwnhrox gvancez gij cingsaenz Ngeihcib Daih Dangj raeuz, nyinhcaen hagsib gvancez gij iugouz youqgaenj "haj aen engqlai" youz Siz Ginbingz cungjsuhgi daezok haenx, haeujlaeg gvancez doeksaed gij cingsaenz vah youqgaenj "4·27" Siz Ginbingz cungjsuhgi cazyawj Gvangjsih seiz

gangjdaengz caeuq gij ciji youqgaenj baenzroix Siz Ginbingz cungjsuhgi vix raeuz guh hong Gvangjsih, ciuq gij gezcwz baijbouh Dangj-cunghyangh caeuq Aen Hoih Daengxcungq Baez Daihseiq Gaiq Cibngeih Swcigh Dangvej dungjyiz anbaiz, aeu Bwzswz gaij digih baenz si ndaej ngeihcib hopbi guh giz hwnjdin moq, daih cienz gij conzdungj maenhndei baez Giji Bwzswz,

giendingh saenqsim, caezsim caezhoz, ngaem gyaeuj buekguh, caen ca saed guh, gyamaenh gya' gvangq gij cwngzgoj haenqrengz duetgungz, cienzmienh doicaenh guhhoengh lajmbanj, roengzrengz doidoengh ginghci ndaw yienh hwnfat ndeindet, vih haenqrengz raiz bien faenzcieng Gvangjsih yendaiva yiengh Cungguck lai okrengz.

(Cinz Yizcwz)



"Hag Ndei Cingsaenz Ngeihcib Daih Byaij Ndei Roen Moq Buek Baenaj"

"学习二十大 奋进新征程"

11 nyied 4 hauh, Denzyangz Gihvej Cujizbu Dangjihbu caeuq Denzyangz Gih Sinjigiz Dangjihbu doxgap youq Sinhvas Suhden "Hungzvanh" Yawjdoeg Daejniemh Gih guh yienghsaeh ngoenzdangj cawjdaez "hag ndei cingsaenz Ngeihcib Daih byaij ndei roen moq buek baenaj". Gyoengq dangjyenz hag rox gij cingsaenz Ngeihcib Daih Dangj raeuz le doxlwnh simngeix, doxdax han cihsiz daengj, guhneix bae roxyiuj cingsaenz, rox caez goekdaez cingsaenz, gaemdawz eiqsei daez cingsaenz, neix ndaej dawz gij cingsaenz Ngeihcib Daih Dangj raeuz haeuj uk. Ndaw doz dwg gyangciengz guh baez yienghsaeh neix.

(Luz Siulingz)

"Aen Gvangjsih Maenghndei" Haeuj Cinbozvei Baij Yienghndei

"壮美广西"进博会上展风采

Gaiq Daihhaj Cungguck Gozci Cingouj Bozlanjvei 11 nyied 5 hauh daengz 10 hauh youq Sanghaij banh. Gicej cam Swcigh Sanghvingdingh cix rox, gaiq bozlanjvei neix, Gvangjsih ndalaeb le aen gvanj cwngzciu hai-langh caeuq aen gvanj binjbaiz geq caeuq feihyiz.

Ciuq vunz lwnh, 11 nyied 5 hauh, Aen Gvanj Langhbaij Cwngzciu Hai-

langh Gvangjsih cingqsi hai gvanj, aen gvanj langhbaij neix gyonjcomz baijok gij cwngzciu Gvangjsih hai-langh lai bi doxdauj cix aeundaeh haenx, aen gvanj neix guh'ok gij yiengh miz daegsaek Gvangjsih noengznwd. Gaiq denswibingz bairog gvanj langhbaij aeu byaraemx Gveilnz guh diuhgoek, caiq gya gaiqranz yiengh vacuhginj, baihindaw

gvanj guh langhbaij ndaej hawj vunz baengh dayawj 3D、daejniemh VR、canggya ciuq gangjgouj roujhwj cangndei doxgaiq daengj gij gohgi ciuhneix, hawj bouxyawj miz yiengh daejniemh linghgag ndeu.

Aen Gvanj Langhbaij Binjbaiz Geq Caeuq Feihyiz Gvangjsi langhbaij le gij maezvunz gagdog conzdungj caeuq gij hwnfat cwngzgoj moq

binjbaiz geq caeuq feihyiz Gvangjsih. Aen gvanj neix najdieg ciemq 180 bingzfanghmij, nda miz gih langhbaij caz Gvangjsih, gijgwn Gvangjsih, laeuj Gvangjsih, dinfwngz Gvangjsih, yw Gvangjsih, gungh miz 33 aen giyez binjbaiz geq caeuq feihyiz camgya langhbaij.

(Luz Yinhnanz)